



Tusagassiorfinnut nalunaarut Pressemeddelelse

2018-imi nuna tamakkerlugu arfernik angisuunik pisassiissutissat

Kalaallit Nunaata arfernik angisuunik pisassai Arfanniarnermut Ataatsimiititaliarsuup (IWC), pisassiissutit angissusissaannik aalajangiisartuusup, siunnersuuteqarnera tunngavigalugu aalajangerneqartarput. Ukiunut 4-nut atuuttumik tikaagulliusaanik, arfivinnik, qipoqqarnik Kitaanilu tikaagullinnut kiisalu Tunumi tikaagullinnut pisassiissutit 2015-2018-imut atuuppoq.

Malugineqassaaq pisassiissutit annertussusissavii 31. december 2017-p kingornagut aalajangerneqarumaarmata tamannalu pillugu allannguallatitsisoqarsinnaavoq. 2018-imut pisassiissutit imaapput.

Tikaagulliusaaq

Kitaanut 2018-imi pisassiissutit tamakkerlugit tikaagulliusaat 19-upput. Angallatit tikaagulliusaarniarnissamut teknikkikkut piumasaqaatinik nalunaarutini ataani taaneqartunik naammassinnissimasutut akuerineqarsimasut 1. januarimiit 31. decemberimut tikaagulliusaarniarsinnaapput.

Arfivik

Kitaanut 2018-imi arfiviit marluk pisassiissutigineqarput. Angallatit, pingaartumik Qeqertarsuup Tunuani angerlarsimaffeqartut arfivinniarnissamut teknikkikkut piumasaqaatinik nalunaarutini ataani taaneqartunik naammassinnissimasutut akuerineqarsimasut 1. aprilimiit 31. decemberimut arfivinniarsinnaapput. Piniarnerup isumannaatsumik ingerlanneqarnissaa eqqanaarniarlugu ukiut siuliinitut piumasaqaatinik piumasaqartoqassaaq Namminersorlutik Oqartussat, Kommundet aamma piniartut akornanni suleqatigiilluarnissamik piumasaqartumik. Malugeqquneqarpoq arfivik Nunatta sinnerani eqqissisimatiitaammat.

Qipoqqaq

Kitaanut 2018-imi qipoqqartassiissutit tamakkerlutik quliupput. Angallatit qipoqqarniarnissamut teknikkikkut piumasaqaatinik nalunaarutini ataani taaneqartunik naammassinnissimasutut akuerineqarsimasut 1. januarimiit 31. decemberimut qipoqqarniarsinnaapput.

Tikaagullik

Kitaa

2018-imi Kitaani tikaagullittassat tamakkerlutik 164-iupput. Angallatit kiisalu ataatsimoorussamik tikaagullinniarnissamut teknikkikkut piumasaqaatinik nalunaarutini ataani taaneqartunik naammassinnissimasutut akuerineqarsimasut 1. martsimiit 30. novemberimut tikaagullinniarsinnaapput.

13.12.2017
Dok.nr. 25879493
Sags-nr. 2017-27784
Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.nanoq.gl

Tunu

2018-imi Tunumi tikaagullittasiissutit tamakkerlutik 12-iupput. Ataatsimoorussamik tikaagullinniarnissamat teknikkikkut piumasaqaatinik nalunaarutini ataani taaneqartunik naammassinnissimasutut akuerineqarsimasut 1. marts-imiit 30. novemberimut tikaagullinniarsinnaapput.

Malugeqquvarput tikaagullinniarnierup piffissaa allanngortinneqarsinnaamat. Tamanna immikkut nalunaarutigineqassaaq.

Nunatta Kitaanut Tunumullu tamakkiisumik:

Ukiumi tullermi nunap immikkoortukkaarlugit pisassiissutissat pisassiissutinik aguaasartoqatigiit tusarniarneqareerpata tusagassiorfitsiguit nalunaarutigineqarumaarput.

2018-imi pisassiissutit 2017-imi pisarineqanngitsoortunik nuussisoqarsinnaanera pillugu nalimmassarneqarsinnaapput. Taakkua immikkut nalunaarutigineqarumaarput.

Piniarnissani piumasaqaatit (www.inatsisit.gl)

Arfernik angisuunik piniarneq ingerlanneqassaaq takuuk:

- Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersoq
- Arfattat angisuut pissatallu nalunaarutigineqartarnerat pillugu Namminersorlutik Oqartussat nalunaarutaat nr. 12, 16. juli 2010-meersoq.

Paasissutissat sukumiinerusut pillugit attavigiuk:

Immikkoortortaqaqarfimmi pisortaq Amalie Jessen, tlf: 34 53 04, email: amalie@nanoq.gl